



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

06.11.2020թ.

**Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ՍՑ-ԼՕ-2020/241**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Ռ. Մկրտչյանի

Պատվիրատու՝ Երևանի քաղաքապետարանի
Մասնակից՝ «Վարուժան Կոչկոյան Գազիկի» Ա/Ձ

Գնման ընթացակարգի ծածկագիրը և առարկան՝
«ԵԲ-ԲՄԱՊՁԲ-20/18» ծածկագրով բաց մրցույթ, Ակտիվ քաղաքացի հարթակում
հաղթող ճանաչված նախագծով նախատեսված Արևային տաղավարի, Երգող նստարանի և
Վիրտուալ ճանապարհորդության տաղավարի ձեռքբերում

ՀՀ գնումների հետ կապված բողոքներ քննող անձը (այսուհետ՝ նաև Բողոքներ
քննող անձ)՝ ուսումնասիրելով Հայաստանի Հանրապետության ֆինանսների
նախարարության կողմից 06.10.2020թ.-ի թիվ 26/26-1/15179-2020 գրությամբ «Վարուժան
Կոչկոյան Գազիկի» Ա/Ձ-ին (այսուհետ նաև՝ Մասնակից) գնումների գործընթացին
մասնակցելու իրավունք չունեցող մասնակիցների ցուցակում ներառելու նպատակով
նախաձեռնված ընթացակարգով ներկայացված հիմքերը,

Պ Ա Ր Զ Ե Ց

1. Գործի նախապատմությունը

ՀՀ ֆինանսների նախարարությունը, Երևանի քաղաքապետարանի (այսուհետ նաև՝ Պատվիրատու) 29.09.2020թ.-ի թիվ 01/61-19196h գրության հիման վրա, 06.10.2020թ.-ին «Վարուժան Կոչկոյան Գազիկի» Ա/Ձ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

Բողոքներ քննող անձին գործը մակագրվել է 06.10.2020թ.-ին:

Բողոքներ քննող անձի 07.10.2020թ.-ին www.gnumner.am կայքում հրապարակված հայտարարությամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ և տրվել է թիվ ՍՅ-ԼՕ-2020/241 համարի ծածկագիրը:

15.10.2020թ.-ին և 06.11.2020թ.-ին նշանակվել են նիստեր:

Գործի քննությունն ավարտվել է 15.10.2020թ.-ին և Բողոքներ քննող անձի որոշման հրապարակման օր է նշանակվել 06.11.2020թ.-ին:

2. Երևանի քաղաքապետարանի-ի ներկայացրած փաստերը և դիրքորոշումը.

Երևանի քաղաքապետարանը 29.09.2020թ.-ի թիվ 01/61-19196h գրությամբ դիմել է ՀՀ ֆինանսների նախարարությանը՝ հայտնելով հետևյալը.

«Տեղեկացնում եմ, որ գնումների մասին ՀՀ օրենսդրությամբ սահմանված կարգով Երևանի քաղաքապետարանի կողմից կազմակերպված «ԵՔ-ԲՄԱՊՁԲ-20/18» ծածկագրով գնման ընթացակարգի շրջանակներում 1-ին չափաբաժնի մասով ընտրված մասնակից է ճանաչվել Վարուժան Կոչկոյան Գազիկի Ա/Ձ-ն:

Հաշվի առնելով այն հանգամանքը, որ 17.09.2020 թվականին գնահատող հանձնաժողովին հասցեագրված դիմումի համաձայն՝ Վարուժան Կոչկոյան Գազիկի Ա/Ձ-ն հրաժարվել է 1-ին չափաբաժնի մասով պայմանագիր կնքելուց՝ գնահատող հանձնաժողովի որոշմամբ 1-ին չափաբաժնի մասով ընտրված մասնակից է ճանաչվել հաջորդաբար տեղ գրադեցրած մասնակիցը:

Վերոգրյալով պայմանավորված և ղեկավարվելով «Գնումների մասին» օրենքի (այսուհետ՝ Օրենք) 6-րդ հոդվածի 1-ին մասի 6-րդ կետի «բ» ենթակետով, առաջարկում եմ Վարուժան Կոչկոյան Գազիկի Ա/Ձ-ի նկատմամբ կիրառել Օրենքի 50-րդ հոդվածի 7-րդ մասի 2-րդ կետով սահմանված դրույթը:»:

Ելնելով վերոգրյալից և հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 45-րդ կետի պահանջները, կից ներկայացվել է «ԵԲ-ԲՄԱՊԶԲ-20/18» ծածկագրով հայտարարված գնման ընթացակարգի շրջանակներում «Վարուժան Կոչկոյան Գագիկի» Ա/Զ-ի տվյալները՝ համապատասխան հիմքերով:

3. «Վարուժան Կոչկոյան Գագիկի» Ա/Զ-ի ներկայացրած փաստաթղթերը և դիրքորոշումը.

Բողոքներ քննող անձը 07.10.2020թ.-ին գրությամբ դիմել է «Վարուժան Կոչկոյան Գագիկի» Ա/Զ-ին՝ հնարավորություն տալով ՀՀ ֆինանսների նախարարության կողմից 06.10.2020թ.-ի թիվ 26/26-1/15179-2020 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը ստանալով կարծիք հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացել հրավիրված նիստերին:

Մասնակիցը 21.10.2020թ.-ին ներկայացված դիրքորոշմամբ հայտնել է հետևյալը.

«15.10.2020թ. ժամը 15:45-ին, որպես «Վարուժան Կոչկոյան Գագիկի» Ա/Զ-ի հիմնադիր հրավիրված եմ եղել նիստի՝ Երևանի Քաղաքապետարանի կողմից հայտարարված Երևանի քաղաքապետարանի կարիքների համար Ակտիվ քաղաքացի հարթակում հաղթող ճանաչված նախագծով նախատեսված Արևային փառավարի ձեռքբերում մրցույթին մասնակցությունից հրաժարվելու պատճառով: Հայցում եմ իմ ներողամտությունը, քանի որ ,ցավոք, չկարողացա նիստին ժամանակին ներկայանալ, որովհետև դիմավորում էի Արցախից ժամանած հայրիկիս, ով կամավորական հիմունքներով մեկնել էր ծառայելու հայրենիքին:

Նախ և առաջ ցանկանում եմ նշել, թե ինչու էի մասնակցում մրցույթին: Մասնագիտությամբ ճարտարապետ եմ, դեռևս ուսանողական տարիներից և հետագայում՝ մասնագիտության մեջ փորձ ձեռք բերելով հետզհետե աճում էր իմ ցանկությունը հայրենի քաղաքիս՝ Երևանի ճարտարապետական զարգացման գործում իմ դերն ու լուրման ունենալ: Տեսնելով քաղաքապետարանի կողմից կազմակերպված հրաշալի նախաձեռնությունը, այն է՝ «Ակտիվ Քաղաքացի» հարթակը, անհապաղ մասնակցության դիմեցի, նպատակս իրագործելու համար: Կայքի հարթակում առաջարկեցի Երևանում կանգնեցնել արևային էներգիայով սնուցվող փառավարի ճարտարապետական նախագիծ-միտք, որի նպատակը

կլիներ մարդկանց ցուցադրել վերականգնվող աղբյուրից ստացված էներգիայի արդիականությունը և կիրառելիությունը և կհանդիսանար ժամանակակից ճարտարապետական օբյեկտը՝ Երևանյան միջավայրում:

Պարզաբանեմ մրցույթը հաղթելուց հետո մրցույթից հրաժարվելու պատճառը. Քանի որ ես եմ «Ակտիվ քաղաքացի» կայքում ներկայացված արևային տաղավարի ճարտարապետական հորինվածքի հեղինակը, և քանի որ մրցույթին մասնակցելուց չէի հետապնդում որևէ նյութական շահ՝ ներկայացրել էի իրականացման ամենա ցածր գինը և արդյունքում մրցույթում հաղթել: Սակայն ավաղ, պետական գնումների կայքում գնառաջարկը ներկայացնելիս վրիպում եմ թույլ տվել, 2 տաղավարի գնի փոխարեն գրել եմ մեկի գինը: Քանի որ, ինչպես նշեցի իմ կողմից ներկայացված գինը ձևավորել էի բացառապես ինքնարժեքով, ապա ցավոք և որևէ ռեսուրս չունեի ներկայացվածս գնով փորձել մեկի փոխարեն երկու տաղավար իրականացնել:

Հույսով եմ կարողացա պատշաճ կերպով ներկայացնել մրցույթից հրաժարվելու պատճառը և հույսով եմ ինձ կընդառաջեք և չեք ներսռի իմ ներկայացրած ԱՁ-ն սև ցուցակում:»:

4. US-LO-2020/241 ընթացակարգի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

i. Երևանի քաղաքապետարանի (այսուհետ նաև՝ Պատվիրատու) կողմից Ակտիվ քաղաքացի հարթակում հաղթող ճանաչված նախագծով նախատեսված Արևային տաղավարի, Երգող նստարանի և Վիրտուալ ճանապարհորդության տաղավարի ձեռքբերման նպատակով 22.07.2020թ.-ին հայտարարվել է «ԵԲ-ԲՄԱՊՁԲ-20/18» ծածկագրով բաց մրցույթ (այսուհետ նաև՝ Մրցույթ կամ Ընթացակարգ), որին մասնակցելու նպատակով հայտ է ներկայացրել նաև «Վարուժան Կոչկոյան Գագիկի» Ա/Ձ-ն:

ii. «Վարուժան Կոչկոյան Գագիկի» Ա/Ձ-ն մասնակցության հայտի թիվ 1 հավելվածով՝ բաց մրցույթին մասնակցելու դիմում-հայտարարությամբ, հայտարարել և հավաստել է, որ բավարարում է «ԵԲ-ԲՄԱՊՁԲ-20/18» ծածկագրով գնման ընթացակարգի հրավերով սահմանված մասնակցության իրավունքի պահանջներին և պարտավորվում է ընտրված մասնակից ճանաչվելու դեպքում, հրավերով սահմանված կարգով և ժամկետում, ներկայացնել գնային առաջարկի չափով որակավորման ապահովում:

iii. Ընթացակարգի գնահատող հանձնաժողովի (այսուհետ նաև՝ Հանձնաժողով) 11.09.2020թ.-ի նիստի թիվ 9 արձանագրության 1.2-րդ կետի համաձայն՝ Հանձնաժողովը որոշել է 1-ին չափաբաժնի մասով ընտրված /հաղթող/ մասնակից ճանաչել «Վարուժան Կոչկոյան Գազիկի» Ա/Ձ-ին՝ որպես բավարար գնահատված և նվազագույն գնային առաջարկ ներկայացրած մասնակից:

iv. 11.09.2020թ.-ին պայմանագիր կնքելու նպատակով գնումների պաշտոնական տեղեկագրում՝ www.gnumner.am կայքում, Հանձնաժողովի կողմից հրապարակվել է պայմանագիր կնքելու որոշման մասին հայտարարություն և սահմանվել է անգործության ժամկետ՝ հայտարարությունը հրապարակվելու օրվան հաջորդող օրվանից 10-րդ օրացույցային օրը ներառյալ:

v. «Վարուժան Կոչկոյան Գազիկի» Ա/Ձ-ն 17.09.2020թ.-ին դիմել է Պատվիրատուին և հայտնել է, որ մասնակցելով «ԵԲ-ԲՄԱՊՁԲ-20/18» ծածկագրով գնման ընթացակարգին ներկայացրել է սխալ գնային տվյալ, ուստի այդ պատճառով հրաժարվում է ընթացակարգով նախատեսված հետագա պարտավորություններից:

vi. Հանձնաժողովի 23.09.2020թ.-ի նիստի թիվ 3 արձանագրությամբ արձանագրվել է, որ «Վարուժան Կոչկոյան Գազիկի» Ա/Ձ-ն 17.09.2020թ.-ին Հանձնաժողովին հասցեագրված դիմումի համաձայն 1-ին չափաբաժնի մասով հրաժարվել է պայմանագիր կնքելուց:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակցության, որ ՀՀ ֆինանսների նախարարության կողմից 06.10.2020թ.-ի թիվ 26/26-1/15179-2020 գրությամբ «Վարուժան Կոչկոյան Գազիկի» Ա/Ձ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ ենթակետի համաձայն՝ գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա գրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Նշված իրավանորմերի վերլուծությունից պետք է փաստել, որ Օրենսդիրը մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու համար նախատեսել է սպառիչ պայմաններ, որոնք են պայմանագրով նախատեսված կամ գնման գործընթացի շրջանակում ստանձնած պարտավորությունների խախտումը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որպես ընտրված մասնակից պայմանագիր կնքելուց հրաժարվելը և հայտերը բացելուց հետո գնման գործընթացին հետագա մասնակցությունից հրաժարվելը: Միայն սույն դեպքերում է հնարավոր մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

Ընդ որում, եթե ընտրված մասնակիցը հայտերը բացելուց հետո հրաժարվում է գնման գործընթացին հետագա մասնակցությունից, նման դեպքում առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «գ» ենթակետի դրույթների կիրառման անխուսափելիությունը, քանի որ վերջինիս հրաժարվել է գնման գործընթացին հետագա մասնակցությունից:

Սույն գործի փաստերի համաձայն՝ Երևանի քաղաքապետարանի կողմից Ակտիվ քաղաքացի հարթակում հաղթող ճանաչված նախագծով նախատեսված Արևային տաղավարի, Երզող նստարանի և Վիրտուալ ճանապարհորդության տաղավարի ձեռքբերման նպատակով 22.07.2020թ.-ին հայտարարված «ԵԲ-ԲՄԱՊՁԲ-20/18» ծածկագրով բաց մրցույթին հայտ ներկայացրած «Վարուժան Կոչկոյան Գագիկի» Ա/Ձ-ն Հանձնաժողովի 11.09.2020թ.-ի նիստի թիվ 9 արձանագրության 1.2-րդ կետի համաձայն՝ 1-ին չափաբաժնի մասով ճանաչվել է ընտրված /հաղթող/ մասնակից: 11.09.2020թ.-ին պայմանագիր կնքելու նպատակով գնումների պաշտոնական տեղեկագրում www.gnumner.am կայքում, Հանձնաժողովի կողմից հրապարակվել է պայմանագիր կնքելու որոշման մասին հայտարարություն և սահմանվել է անգործության ժամկետ՝ հայտարարությունը հրապարակվելու օրվան հաջորդող օրվանից 10-րդ օրացույցային օրը

ներառյալ: Սակայն «Վարուժան Կոչկոյան Գագիկի» Ա/Ձ-ն 17.09.2020թ.-ին դիմել է Պատվիրատուին և հայտնել է, որ մասնակցելով «ԵՔ-ԲՄԱՊՁԲ-20/18» ծածկագրով գնման ընթացակարգին ներկայացրել է սխալ գնային տվյալ, ուստի այդ պատճառով հրաժարվում է ընթացակարգով նախատեսված հետագա պարտավորություններից: Հանձնաժողովի 23.09.2020թ.-ի նիստի թիվ 3 արձանագրությամբ արձանագրվել է, որ «Վարուժան Կոչկոյան Գագիկի» Ա/Ձ-ն 17.09.2020թ.-ին Հանձնաժողովին հասցեագրված դիմումի համաձայն 1-ին չափաբաժնի մասով հրաժարվել է պայմանագիր կնքելուց:

Վերոնշյալ իրավական նորմերի և փաստական հանգամանքների հիման, Բողոքներ քննող անձն արձանագրում է, որ «Վարուժան Կոչկոյան Գագիկի» Ա/Ձ-ն 17.09.2020թ.-ին Հանձնաժողովին ուղղված գրությամբ, հրաժարվելով ընթացակարգով նախատեսված հետագա պարտավորություններից, ըստ էության հրաժարվել է «ԵՔ-ԲՄԱՊՁԲ-20/18» ծածկագրով գնման ընթացակարգի հետագա մասնակցությունից, քանի որ գործում առկա նյութերի համաձայն դեռևս ավարտված չէր անգործության ժամկետը, ինչպես նաև Մասնակցին չէր ներկայացվել պայմանագրի նախագիծը և պայմանագիր կնքելու առաջարկը:

Ուստի, նման պայմաններում Մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով՝ հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «գ» ենթակետի դրույթները:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

Ո Ր Ո Շ Ե Ց

1. ՀՀ ֆինանսների նախարարության կողմից 06.10.2020թ.-ի թիվ 26/26-1/15179-2020 գրությամբ «Վարուժան Կոչկոյան Գագիկի» Ա/Ձ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՑ-ԼՕ-2020/241 ծածկագրով ընթացակարգը բավարարել:

2. «Վարուժան Կոչկոյան Գագիկի» Ա/Ձ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ

ԲՈՂՈՔՆԵՐ ՔՆՆՈՂ ԱՆՁ՝

ԼԵՎՈՆ ՕՀԱՆՅԱՆ

